

湯子遺書



湯子遺書卷十

睢陽湯斌潛庵

詩

詠史

崑崙有瑤樹丹鳳翔其杪朝餐縣圃露暮宿星辰  
表皓月滿晴空羽翮何縹緲我愛徐孺子清修自  
皎皎韜精在南郡高臥白雲曉羣賢方碌碌誰能  
測渺杳郭泰獎人倫申屠耽林沼浩然凌雲姿豈  
復虞繒繳

夏日詠懷

湯子遺書卷十

詩

初夏朝氣清綠陰映竹閣好鳥時來集微風散林  
薄養疴豐暇日坐臥對雲壑圖書紛几席茗盃常  
間錯偶爾屬篇章怡情忘簡畧採藥支短筇尋泉  
踏芒屨豈曰謝浮榮明志貴澹泊世人逐妄跡真  
源誰啟鑰柱史崇虛無金仙戒執著大道本源微  
會心在寂寞矜智適成愚要窅何由度鬱鬱南澗  
松百丈巖如削遙望浮雲中縹緲飛白鶴於斯悟  
至理俯仰增遼廓

金陵別姜西溟

憶昨桂發時遇子梁谿上攜手遊名園登高共眺



賞我行到白門夜月苦懷想落葉禪房寂忽聞扣  
門響相見各歡然秉燭對書幌高樓恣嘯詠古道  
互推獎鐘阜鬱嵯峨秦淮平如掌信美非吾鄉茲  
晨理歸槳送我大江濱悲歌何慨慷世事本浮雲  
素心貴不爽願言各努力庶足慰吾黨

贈李映碧先生

三首

蚤年登朝著端笏拜彤闈抗疏表孤忠旭日麗黃  
扉維時甘陵部南北勢相違正色兩不阿嶽嶽世  
所希元祐盛名賢黨論多是非元黃未息戰國是  
將安歸惟有哲人在秉道還識幾石室畱諫草夢  
湯子遺書卷十

詩

二

回尚依稀魯國遺經火口傳賴伏生九十秦博士  
典謨亦已明文獻歸靈光斗杓示景行著述藏名  
嶽大義何崢嶸虎觀待鴻儒

丹詔下江城老夫難趨走豈敢抗弓旌抽書授使  
者卷軸滿巨簾白雲封巖谷時聞鸞鳳聲

向歆嗣經學彪固續漢史世業重蘭臺千秋誰繼  
美先生令子賢載筆石渠裏文藻曜朝華持論平  
如水衆人警未聞庭訓實爾爾余也衰朽姿追隨  
愧迂鄙南望東海濱丹霞明若綺願言從執鞭廁  
身堂廡底恨無鴻鵠翼翻飛平原里

題張鞠存見示鄉賢合祀傳

昔明神廟時海內正清宴學術半瞿曇文章競藻  
絢淮上有張公峩峩邦之彥蚤年登朝著含香侍  
紫殿典禮佐秩宗矯矯人爭羨抗疏定皇儲慷慨  
淚如霰藩封宗派清文體爲一變權貴咸側目拂  
袖歸鄉縣臥看東山雲丹鉛手不倦再世得農部  
家學源流衍經術接曲江五車皆貫穿姓字重賢  
書才華一時擅對策繼董賈當亡數稱善正值國  
步艱中原日飛箭誰爲籌軍需飽騰資酣戰辛苦  
期報國家憂謝弔唁墨綬更登陴江淮明組練至  
湯子遺書卷十

三

今鄉閭間童髦頌德徧俎豆並覺宮春秋報祀延  
令子當朝傑借余南宮薦聯轡趨

金闕情懷自繾綣相別二十年尺素無由轉奉  
詔徵文學公名如雷電更有嗣君賢綵筆益蔥蒨  
聯篇復累軸字字重黃絹父子登蒲輪史冊亦罕  
見余也樗散姿甘老農圃賤濫竿何慙惶待放歸  
耕便相見敘闊蹤示我鄉賢傳再拜仰遺徽偉績  
何能撰他年過淮上芳樽或可奠

送黃俞邨聞訃南歸

揮淚向河梁燕山暮凝雪握手送君歸欲語聲嗚

咽定交十載餘千里音書闊今夏再相遇一見警  
華髮君家書盈屋石倉未足埒縹緗充畫棟一一  
爲我揭編目近七萬真贗俱能別太母年最高賢  
明女中傑喜君有良朋美酒爲我設時余憩僧廬  
往來無間缺攜書上小舟高吟青谿月樓頭相顧  
笑笙簫爲暫歇是時有

明詔徵聘到巖穴使者頻至門敦趨日彌切同人  
相勸駕君懷獨殷憒向予垂涕言老母年將耄捧  
檄雖有心中情難委決惟母察其情治裝勿使輟  
讀書逢

湯子遺書卷十

四

聖主致身貴蚤達何況旁求殷乃自甘汨沒我力  
尙未衰猶可自存活君聞母訓言躊躇未忍發遲  
迴復浹旬母意終難越予久臥烟蘿才力最薄劣  
盛朝廣搜羅亦預徵書末先後至京師相期砥素  
節君文高揚馬聲名動朝列上卿求識面招邀多  
賢哲一日過余邸顏色暗如鐵云具陳情章未得  
達

天闕出稟以相示一字一泣血三日不相見麻衣  
腰垂經乃是凶問來長號肝腸裂暗賻自元宰走  
弔冠裳白余感賢母德淚下不能竭憶昔十年時

君表我母烈大筆真如椽幽冥亦感徹我抱終天  
恨較君更慘絕今日送君歸巖颯正凜冽瘦影何  
蕭條黯淡桑乾陌努力慎自愛宗祏一身子母志  
終當酬毋使性空滅遙望石城雲愁暗爲君結

賦得黃花晚節香

秋氣凜凜露爲霜獨見孤英帶晚涼絳葉飄零依  
碧澗參差鴻雁滿寒塘碧澗寒塘憶昔日芳枝歲  
藜金莖密雲錦高張霞霧舉游絲搖曳花欲語過  
眼繁華曾幾時百卉具腓今何許寒圃蕭條秋風  
淒玉蘂繁香疏逕齊自有高松同晚歲還須竹影  
湯子遺書卷十

五

傍清畦獨立秋光甘自媚安能鬪彩桃李蹊况得  
長近幽人屋霜根冷枝結幽獨君不見梧桐百丈  
宿鸞鳳金井葉飄空碌碌

送陳別駕

自余結茅東礪側往來車蓋不相識使君下馬入  
深林高談蘿薜爲生色大幅長篇掛素壁鄰翁相  
見各自失平生性僻耽邱壑十年未履郡齋闕知  
君爲政最風流雪苑桑麻清露溼忽傳使君聞雙  
訃遠近父老淚沾臆云昔板輿迎養時萊衣進酒  
樂柯極高堂忽動粉榆念萬里舟車隨不得馬嘶

嶺上白雲曉帆落江邊村樹黑此時海內尚昇平  
遊子南望情嗷嗷一旦烽火照三山關河咫尺分  
南北梁園闔海春復秋夢想何由生羽翼今年銀  
漢洗甲兵家書纔到顏如墨淚灑庭梧枝盡枯童  
叟赴哨路途塞更聞羣鳥百千翎繞署哀鳴聲不  
息古來至孝格天人冬筍江魚紀史筆言見此事  
最分明一時賦詠傾鄉國我聞此言嘆且泣送君  
南陌百端集吳江水碧越山青一路望君情惻惻

吳王長安春日行

錦繡山河千里壯龍文氣結九重開流雲遲日春  
湯子遺書卷十

六

光煖御柳搖颺傍露臺京都自昔稱佳麗城中半  
是王侯第峻閣重樓夾道懸雲房霧宇相虧蔽

上林更接西山色峯疊翠黛煙凝溼朝霞片片藹  
燕關照曜金莖淑氣入九陌三條香塵起萬戶千  
門春色裏雕楹銀榜映花紅光射

御溝爛若綺是時

至尊坐玉清柏梁賦罷奏咸諷爐煙縹緲鸞旂動  
晨旭黃扉瑞靄平詞臣侍從承清宴珥筆數上南  
薰殿下直從容歸鳳池傳呼應

制文章善祇今海內正銷兵滇池劔閣掃欃槍壯

士不賦從軍樂野老惟聞布穀聲

聖人制作追謨誥一朝寮友似嬰鳴微臣竊幸逢  
景運願作衢謠隨玉筮

祝總憲魏老先生壽

五嶽峻嶒鎮中域恆山獨峙天北極嵯峨萬仞倚  
寒空鴻濛鬱積青蒼色真氣磅礴偉人生丰標直  
與嶽崢嶸弱冠鳳池勵素節冰壺皎潔月輪清梧  
垣夜半草封事青蒲對仗百寮驚深慮危言關大  
計折檻批鱗非近名上書辭闕奉母還踰躑綵衣  
畫堂前子孫羅列誦書史青筍白魚入饌鮮紫荆  
湯子遺書卷十

七

關外雲如屯中有紫氣映朝暎海內蒼生望霖雨  
謝公東山道愈尊元老推轂來  
帝里詔下

九重禮遇敦豸冠峩峩柏臺上感時補牘丹心存  
至尊含笑納忠諫

主聖臣直古罕見致身八座位孤卿班行藉藉人  
爭羨一朝邊徼忽傳烽軍儲轉運仰司農羽檄紛  
紛遣調繁白髮深坐見愁容國計民情難兩便盈  
庭聚議誰稱善精誠寤寐與天通汲黯在朝勝百  
戰祇今秉憲肅百寮呵藤倚戶影蕭蕭五緯芒寒

欽正色四時節序依斗杓好士拳拳若饑渴夾袋  
懷中字不沒汝南月旦品題新折節訪尋及短褐  
狄相薦賢總爲國歐公宏獎老未歇由來至性兼  
虛衷門館寂寂絕干謁學問原期體用全秉道絕  
欺重昔賢退食鮭菜無兼味幽獨盟心手一編子  
臣弟友期無愧直從庸德識先天先生嘗述西河  
教篤信謹守是真傳生平學力從此入月落光明  
照萬川余違講堂二十載關山迢遞想丰采今歲  
應

湯子遺書卷十

豕甯堪拜廟廊竊祿

八

先朝無寸補敢貪耕鑿臥滄浪小臣有母年七十  
獲終菽水

主恩長重得摳衣聆要旨此行不至空俵儀高秋  
正值懸弧辰旅次何能獻野芹願體大易天行健  
斯道斯民在一身北嶽石樓瑤草秀薄言採之祝  
千春

送富雲麓請假歸閩

我昔退耕在南畝先生聞望齊北斗千里贈言古  
道存朝夕奉持如瓊玖重到承明又幾年追隨劔

佩良非偶朝罷同看太液雲五更聽漏闕門久容  
臺政簡畫多閒一卷青編常在手探道欲過羲皇  
前論詩不作風雅後  
聖朝禮樂繼唐虞夙夜寅清功不朽月明紫帽動  
歸心忍上離亭爲折柳閩海迢迢萬里餘勸公更  
進燕山酒

至尊稽古資元臣肯使山中遺壽考願公且莫戀

雲松經綸黃閣誰當右倘過清溪遇李膺

謂厚庵先生

爲問可御蒲輪否

汪鈍翁六十初度

### 湯子遺書卷十

先生家鄰具區澤萬頃琉璃界天白異書捫腹五  
千卷海內共推文章伯六經同異識旨歸妙義微  
言恣探索往余臥病睢陽城南望茂苑風生腋同  
時應

召到京華旅舍蕭條數晨夕史局編摩一載餘接  
膝談讌曾莫逆共抽金匱論興衰獨秉霜毫判心  
迹扶風筆削詎專長龍門述作無殊格先生體貌  
清且癯雙瞳翦水神奕奕閉戶文成三百篇一朝  
紙貴長安陌塵埃難嬰曠士懷片帆歸向五湖宅  
幾回延伫想瑤華路遠何由生羽翮昨年奉使過

浙西迴艫暫作姑蘇客先生高臥聞我才披衣攜  
手話疇昔月出三更虎阜曉睥睨千秋興莫釋扁  
舟送我上河梁風苦霜清嘆睽隔雲山有約計難  
成惆悵高天空踟躕頭白汗青杳無期浮生浪度  
竟何益聞君甲子正月初周山中樂事良不易雨後  
寒烟拂釣竿花時芳草侵遊屐河豚欲上鯨魚肥  
子弟門生環講席我欲從之路阻修側身一望吳  
江碧

祝王農山暨夫人雙壽

燕山榭葉秋光曉凝望吳淞風日好舉觴再拜祝  
湯子遺書卷十

十

遐齡月下雙鸞應難老憶昔射策黃金殿同年盡  
是文章彥解褐手摩石鼓篇聯轡齊赴櫻桃宴凌

雲聲價重明光一代才名惟君擅五更入朝霜滿

裘明星高話玉河秋

余時好爲天官家言先生  
八朝指太白問余躔度

當

時意氣偏豪甚睥睨古今誰與儔君乘輶軒漢陰  
還我亦攜琴看華山潦倒蚤著歸田賦正直真宜  
獬豸冠上書動闕天下計鳴驄遙識萬人看功高  
度支令聞播峻階行當陟八座臣心如水

聖明知一朝清節誰能過拜表出都供帳榮漢庭  
不數二疏行水落波寒鱸魚膾蓴羹會動去官情

况是高堂正健飯繡衣舞罷獻瑤觥又聞清閨傲  
戒勤昧巨雞鳴有少君紫霞疊錫天邊誥祁祁象  
服香氤氳過庭更覩河東鳳海上三山光氣分桂  
苒風塵二十年我甘臥病梁園田那知衰白荆榛  
裏隨風吹到玉堂前汗簡編摩老眼花兩郎才調  
重金華追隨敢自嘆迂狂羨爾青箱本世家鳴佩  
朝朝太液東供奉日間長樂鐘

至尊尋名思舊德三泖應見五雲紅珊瑚賜第錦  
屏開八珍還分

御饌來方朔麻姑齊進酒蟠桃花比海桑久

湯子遺書卷十詩

順治九年七月二十日

十二

上駕親出郊外諭遣定遠大將軍敬謹親王及諸  
將南征應

制壬辰七月御試

聖主崇文德宗臣事遠征偃戈誠

廟算勤武豈

皇情爲廣薰風化仍期瀚海平曉雲隨

鳳輦秋月近

龍堦

湛露分

丹禁彤弓

錫漢京投醪

御酒徹緝裘軍容清湘野懷征旆滄波待洗兵應  
聞旄羽至率舞拜干城

中秋蘿翁齋中讌集

僻巷逢迎少惟君得數過爽秋今正半高友意如  
何卜宅門相望論文興不磨開樽臨紫桂解帶掛  
青蘿洗硯索新賦分題和舊歌隔籬見怪石轉逕  
踏深莎樹杪宿鴉動燈前墜葉多舉頭看素魄回  
盼失銀河銅漏還傳箭金烏漸耀波百年日日醉  
揚子遺書卷十

莫自歎蹉跎

省耕

夏甸傳遊豫虞庭重省方恤農煩傲戒任土定輸  
將往牒休堪著

興師道自長

親推迴黛耜祈穀卜年芳

鸞輅乘春發

鳳旂拂曙張屬車連迴陌羽葆度橫塘郡吏迎仙  
仗送師覲

袞裳風吹桃葉嫩雲罩麥畦涼曲水灤軒蓋晴林

駐鸛鶴咨詢保介切申勸耔耘忙

聖澤霑原隰龐眉樂

帝鄉寶歧含雨翠高穗映霞黃帳殿看馴雉平田

認遠楊實函欣亞旅蒨屋富倉箱無逸成

天德思艱邁古皇寬徭恩屢紀

賜復史難詳

國步登淳古民生躋壽昌

舜絃聞愠解

堯酒醉衢康共識氤氳氣永覘歲德祥翮風今繼

響奕葉頌無疆

湯子遺書卷十詩

應詔

十三

御試恭紀四十韻

虞帝闢門日鎬京訪洛年夔龍賡喜起畢散接班

聯號令多師古聲華重集賢縹緗充

玉几冠佩秩

經筵天錫圖書祕春呈雲漢鮮

體仁功自懋

建極道無前制作開三統清甯撫五絃

詩歌諧雅頌

翰藻麗山川游衍懷明旦

絲綸動象躔鵠儒聚白虎侍史撤金蓮棧樸功施  
久鈞陶禮樂全志天良望歸來村  
旁招窮海蒞

籲俊及林泉薦引甯論地吹噓不計員公孤方拜  
讓臺諫復駢肩岳牧搜揚切宰衡啟事連雲巖  
鶴詔促谷口蒲輪遄緯度占文曜風雷起蟄淵渥  
洼空駿馬湘沚絕蘅茝盛舉超曩代曠逢豈偶緣  
自當謹舞蹈何敢尙迤邐耆碩推轂固妙齡儷仲  
宣朔南咸至止仕隱各無偏爭著京都賦競裁羽  
獵篇月分漕輓米日費水衡錢魚愧馮諼食金羞  
湯子遺書卷十詩

十四

郭隗先霽陽當

禁苑芳樹映華旃典禮

臨軒重工寮將事虔瓊階聞曉奏綵仗繞爐烟五  
字英才著一經舊學傳文成獻

黼幄賦就立花磚東壁霞光燦少微淑氣纏

龍顏常自喜鳳扇欲徐還不數瀛州宴儼如紫禁  
旋同聲稱飲溼野老羨登仙才豈馬卿亞盧承孝  
武憐

兩朝感際遇一志矢貞堅謳咏休明瑞祈瞻歷數  
延得賢摛漢頌大寶續唐編遜志期宗傳

健行望體乾昭回垂萬禩奕葉奉

嘉天

院中宿直八韻

清切推丹地瞻依近

紫宸

龍池鐘漏晚

鳳沼月華新古木流霜影宮雲澹玉津

聖皇開治象元化正含淳幸備班行後叨承異數

頌端貞期拜獻樗散愧冠紳年老才將盡憂多道

轉親夜深星斗闕始悟與天鄰

湯子遺書卷十

詩

送林玉巖奉使琉球十二韻

五

水國藩封遠儒臣星使遙

鸞章頒

絳闕麟繡下青霄嶺路秋花麗閩山宿霧消前驅

陳玉節負弩簇金鑣到海風常正開帆浪不驕扶

桑看湧日蜃市障迴潮島嶼疑神岳京華認斗杓

鯨人迎上客卉服護仙僬博望通殊域陸生重漢

朝文章堪喻蜀干羽足征苗不數樓船績甯煩銅

柱標歸來王會日拜手聽簫韶

中秋陸處實同年留飲齋中和吳見末韻

相對話生平開樽聽雨聲客中逢令節林下見交  
情白社風原古柴桑世不爭從來樂志者非是愛  
逃名

別墅仍留憩竹林笑語聲兒童知客意鷗鷺識秋  
情天肯容吾嬾拙能免世爭他年重過訪不必更  
通名

寄示兒溥

浪跡真無計門庭汝暫持雨多憐稼誤地下慮牆  
危官稅完應早鄉租催漫遲近聞文體變前輩法  
須知

湯子遺書卷十

詩

汝祖墳前樹今年看幾回叔賢書共讀弟幼酒同  
杯藥裏宜常晒柴扉莫浪開初冬當返櫂候我竹  
林隈

西湖聽莊蝶庵彈琴

繫纜孤山下石牀理素琴嵐光千嶂滿松影六橋  
深古調傳天籟清絃寄道心曲終人俱靜明月照  
幽襟

送陳別駕之南陽

送客宛中去行吟驛路紆浮雲高密宅古木武侯  
廬險隘商顏近土風京洛如此鄉兵火後邑井半

邱墟

家居感懷五首

濫綴

先朝供奉班  
平明珥筆侍

龍顏辟雍進  
講華旃細藉敷

親推黛耜還  
南國遠通瓊海貢  
西羌不閉玉門關

滄江白髮

君門遠悵望  
高天未可攀

巖關鎖鑰設  
咸東指顧河山百  
二雄華嶽峻嶒高

漢苑渭川波浪注  
秦宮旌旗閃月魏  
貅靜冠蓋連

湯子遺書卷十

詩

七

雲隴蜀通自是  
太平多暇日書生  
何以答

皇功

蕭條僕馬南安署  
日倚江樓眺碧岑  
瘴嶺朝昏雲

似墨蠻村草木桂  
成林歸鄉幸慰趨  
庭志臥病終

違報

主心一葉扁舟還  
載石片帆風正自  
長吟

城隅小築避風塵  
三逕茅齋可寄身  
藥餌關心朋

舊少青編滿架校  
讐新傍松疊石平  
如案裏露看

花折贈鄰崖岸年  
來消滅盡莊生齊  
物不須陳

滇南交北盡王封  
誰道今爲塞上烽  
壯士搥牛何

意氣將軍緩帶自從容  
輓輸困苦追呼急露布頻  
煩恩數重獨喜臨邊老  
相國招降十萬事春農

立春

冬晴正覺日霜靜風轉  
俄驚節序新倚檻臘梅香  
欲盡隔溪官柳翠先勾  
時艱可信滄洲穩老去方  
知古道真擬待東林鶯  
語細莫辭華髮醉芳春  
春霽友人以詩相投書此謝之

春霽園林暖尙遙石欄殘  
雪未全消同人詞賦相  
投贈把卷吟哦慰寂寥  
箕斗浮名終是勾巢由高  
枕不須招眼看藥筍沿溪  
綠岸幘披襟酒一瓢

湯子遺書卷十

詩

春日卽事

次信庵韻

六

杜門久矣謝繁華不道春光取次奢  
柳市煙籠含宿雨桃村日照散明霞  
舊藏襖帖時開翫新註茶經可共誇  
逆筍當階礙杖屨茅軒小逕不妨斜

春日感懷兼呈仲方

漫說登臨春事饒衡門兩版閉清宵  
頻聞白帝烽烟暗苦憶朱方鼓角搖  
憂世何妨同濁醉畏人真欲混漁樵  
袁安小閣相鄰近箬笠往還何待招

崇禎壬午闖寇破甯陵文學翟先生仗節死

之今督學使採輿論祀之鄉賢余感其事

成仁本屬中庸事落落乾坤有幾人天以三綱作  
砥柱士將一死答君親理無兩路須求是節到當  
頭要認真我至沙隨弔往烈頻宮俎豆肅冠紳

新秋雨後却莊西齋讌集

雨歇林溪烟未收憑欄雲物見新秋葉心果熟紅  
將綻階面苔深翠欲流棋局頻移竹映榻酒壺好  
待月登樓惟君最愛清狂客塵世何人識醉遊

飲張爾成少參署中

高齋竹柏漏聲殘促席停杯興未闌千里風塵驚  
揚子遺書卷十詩

九

短髮十年供奉憶同官霜清衛水雲帆壯雪滿天  
雄玉塵寒北斗共瞻新氣象故人幾許在長安

送王去非督學江西二首

春日仙郎出鳳樓錦帆雲樹下南州龍門高倚章  
江曉虎觀遙開廬嶽秋且自瞻星知紫氣何妨懸  
榻待名流起衰八代屬君任莫倚登臨誇壯遊

豫章講院凌雲構鹿洞鷺湖天下稀朱陸遺風今  
在否王羅盛事豈相違三江波靜涵明月五老峯  
高入太微我昔扁舟曾繫纜十年期舊思依依

送張少參內召二首

雲霄供奉舊仙班

紫禁傳宣新賜環十載使星高象闕九天卿月照  
龍顏旆旌載路秋光好侍從重來玉佩閒聞道

至尊勤顧問夜深前席莫虛還

聯袂銅龍吟暮曛廿年蹤跡歎離羣世間嬾慢無  
如我天下文章盡在君別殿談經爐氣上玉驄扈  
蹕曉光分瀛洲舊侶如相問三逕荒蕪未可聞

贈湖州吳太守二首

仙郎起草最知名幾載褰帷雪上行按部雨餘香  
稻晚課農花發曉雲輕南宮書畫添新譜李相亭

湯子遺書卷十

詩

三

臺續舊盟聞道賓朋常滿座清樽真見古人情  
行藏久矣付烟蘿爲憶舊遊買權過兩岸蓼花窺  
客鬢一江寒夢落漁蓑水歸吳會疑無地峯入苕  
溪宛似螺知爾登臨頻作賦峴山高會近如何

贈吳冉渠少府二首

五月榴花照畫軒一時人物壓中原圖書鄴架雄  
東壁金鼓樓船控海門月上晚湖兩岸寺雲生京  
口千家村傳聞漢殿虛青瑣曳履風雲侍斗垣

使君政簡坐東亭遶郡青山似畫屏座有詞人續

楚頌門迎仙客柱丹經當年百粵懷廉吏此日三

江識歲星自笑十年空白髮扁舟湖海嘆浮萍

贈何雍南

江左風流迥不羣蕭齋梧影坐斜曛逸才自昔悲  
搖落高志應堪寄野雲入室兒童爭問字到門賓  
客定能文欲尋丁卯橋邊路見說許渾能似君

京口贈友人

結字三江紫岫間薜蘿遶磴俯澄灣陸機文賦年  
方少陶亮閒情興未慳花滿芳樽留素月窗明綵  
筆照青山把君一卷吟蕭寺夜雨孤燈好閉關

錫山別賀天士

湯子遺書卷十

詩

三

浪跡湖山求友聲文章惟爾重西京一時贈縞多  
名士千里傳書動上卿對酒方驚秋葉晚登舟已  
掛片帆輕莫愁別後雲鴻闊梁苑吳江月共明

東林寺二首

疎雨松林白鶴棲遠公精舍一峯西青楓雲鎖談  
經洞碧水蓮開送客溪法相仍傳阿育記殘碑猶  
是晉人題石欄把酒懷元亮煙遮柴桑望欲迷  
參差石勢抱禪扉萬仞羣峯帶落暉碧澗淙淙數  
磬響白雲縹緲一僧歸閒從苔壁識殘籀靜愛風  
泉坐釣磯五老青牛烟嶂外明年策杖莫相違

送李襄水赴楚幕

詔選名賢佐上游一時賓客重荊州論兵定憶羊  
公碣作賦先登王粲樓霜夜劍光高虎氣暮雲畫  
角動江秋甘泉佇望烽烟靜漢殿銘勛第一籌

戊午應召入都留別里中親友

蕭然蘿薜絕雙魚雲外忽傳有鶴書學道原因息  
翮早出山翻悔避名疏幽花谷口遙相映野鷺溪  
邊迴自如龍尾班行真濟濟拙庸應許歸茅廬  
簇簇郊關擁畫輪臨河握手話酸辛藝花選石多  
同調待漏鳴珂少故人倦鳥甯能歷遠岫歸雲何  
湯子遺書卷十詩  
意覆通津入

途中苦雨

西風久雨苦淒迷客子逢人問路蹊遠浦暗雲藏  
古寺斷橋平水接長堤當車苦霧征衣溼倚岸高  
槐獨鳥啼歲暮可能歸舊隱村鄰濁酒正堪攜

長垣北十里學堂岡有夫子廟相傳四賢言

志處

廟內有党懷英篆  
書杏壇二大字

柳陌乍隨岡勢轉杏壇忽傍柏林開轍環魯衛行  
將老道繼唐虞志未灰蝌蚪文銷存蠹鼠蟻尊歲

久剝雲雷階前風雨傳松籟疑是瑟聲入座來

送李子德奉旨歸養二首

薊門疏雨澹秋陰惟爾斯行重古今賦就上林纔  
賜第表陳東掖蚤抽簪關河落照鄉山迴驛路鳴  
蟬野樹深到日高堂應戲綵

御香未散遶衣襟

史才經術在關中

詔領羣儒集漢宮瞻望白雲子舍在拜違黃闕

主恩隆比鄰載酒東臯子

山史先生

戴笠談詩用里翁

先生回首應憐同調客編摩寂寞老揚雄

湯子遺書卷十

詩

辛酉二月初侍講筵紀事二首

文華春殿旭光濃

帝簡儒臣侍

九重紫禁天章詞煥爛紅雲寶幄語從容細旃風

定牙籤啟袞袖香飄玉佩從典學千秋際

聖主微臣何以稱遭逢

御氣氤氳繞

玉皇西清霞彩映

龍裳經陳謨典奉

天心正學闡動華

帝道昌敢向大舜甘泉春色對  
盛朝稱管晏何須文藻繼班揚  
恩深覆載安能報誦讀衡茅志未忘

擬

上賜大臣遊溫泉詩四首

山陵疊翠倚層霄瑞靄晴臨碧澗遙  
石上泉聲隨玉漏巖邊樹色映金鑣  
雲峯遠結盤龍氣瀑水近當踞虎橋一奉

恩榮歌鎬燕長從仙蹕聽簫韶

碧潭波遠翠微迴帳殿紅雲覆綠苔  
閨苑烟深朝

湯子遺書卷十

詩

絳節華清春曉對蓬萊山光獻壽天  
杯永寶翰騰

輝

御榜開萬國共瞻隆

孝治漫言驪阜重仙臺

傍巖依岫做離宮

詔賜恩波卿貳同閣道周迴香溜裏  
衣冠趨步綵雲中不須雕斲傷元化  
惟有真淳表聖功何事露臺誦漢主  
萬年儉德仰

皇風

蘇晉曼回興文苑錄

薊北烟巒俯大溪甘泉春色接丹梯  
曉來嵐氣當

窗入雨過花光拂座低搖曳霓旌依澗轉參差豹  
尾與雲齊願將景物同民樂薄海蒸生望  
紫泥

祝金棟存侍郎

蚤歲文章動

紫宸丰標勛業重簪紳臺端碩畫排羣議樞府秘  
籌仗偉人鈴閣常閒還執法牙籤滿座更畱賓請  
看玉樹菁蔥色直與喬松插漢津

送王子言請假歸省

五載京華心事違

湯子遺書卷十

詩

三

主恩今許覲庭闈白雲路遠漕河轉鄉樹陰連岱  
色微客裏詩成題驛壁堂前花發待斑衣故人潦  
倒長安久何日如君賦曰歸

贈柯素培右通政二首

垂紳梧掖正華年幾載清卿侍

御筵折檻盡關天下計伏蒲還使萬人傳芟荷掩  
映吳江雨鴻鴈飛鳴楚澤烟鼙鼓日聞勤

廟算正須舟楫濟洪川

銀臺班近

紫微垣元老頻承異數恩只爲思親懷故里倏然

拜表出都門月明酒載東山墅花發詩成獨樂園  
玉樹雙雙凌碧漢德星常是照華軒

人日和郭快圃作次韻

椒花彩勝嬾隨人閉戶攤書笑此身白首校文嘗  
午夜寒天點易及霜晨節遲時未立春郊柳應含凍雪  
少村梅可放春稍待西山芳草綠招邀朋輩醉芳

辰

題畫

秋林不厭靜高士自能閒鎮日茅亭下開窗對遠  
山

湯子遺書卷十 詩

題觀音像

我本學洙泗邀君來我軒圓通有妙理相對已忘  
言

西來庵題壁

禪門深鎖萬松間江上白雲自往還雨過捲簾無  
別事一編周易對焦山

西來庵贈水齋上人

上人舊爲甯夏總兵

白馬西來掃野雲居人誰識舊將軍楞嚴讀罷焚  
香坐一鉢江泉到夜分

戲贈

飯辦松花芟辦衣同羣鷗鳥渾忘機駝岡不減柴  
桑社擬翦蓬茅待汝歸

贈懷慶太守二首

野王山路曉雲橫一水潑洞遶郡清兩岸柳條凝  
露溼年年常見使君情

西門古廟鄴城陰父老笙簫直到今見說行山青  
似黛濟源爭比濁漳深

詞

賀新郎

秋思

兩腳纔收了竹簾開梧桐墜露淡煙如埽一派秋  
湯子遺書卷十詞

毛

聲吹木末况漸蘋衰楓老問今歲秋光多少貰酒  
東臯凝望眼看浮雲變幻入林緲思疇昔榮懷抱  
空江採得蓴絲好權輕舸遙峯隱約放歌霞表  
世事渾同蕉鹿夢擬向華胥醉倒更說甚桃花源  
杳白恰青鞵尋釣侶待月生一笛驚鷗鳥悲歡話  
付溪草

滿江紅

後池千葉蓮盛開漫賦

兩山峙峙

藕葉鋪池連陰雨溪流青漲東里叟扶筇還問後  
渠無恙隨地菰蒲雙鷺宿垂楊半掩波紋上碧煙  
開映曉弄新妝輕盈狀廬山社幽情漾溢浦岸

清風宕似層層紅豔美人堪餉月下時聞芳露滴  
呼兒學作漁郎唱夢醒來十里野塘中遙相望

千秋歲 八月十六日夜觀月

暮霞成綺又送冰輪起花影裊簾波細輕清河漢  
色珍重嫦娥意今歲好今宵賒取明年醉 玉笛  
清堪寄雲母屏還倚瓜再削杯重洗紅牙翻舊譜  
妙舞風吹袂澄露滴盈階桂落天如水

滿庭芳 秋日閒居

雲澹霜洲雁飛葭浦兩行煙樹柴門紙窗茅屋秋  
氣映朝暉壯歲歸田作賦十餘載高臥邱園漁樵  
湯子遺書卷十 詞

三

伴時來問訊紅葉認山村漫論今古事柴桑谷  
口往蹟猶存但茶香竹裏酒沸松根午榻清眠夢  
覺看籬畔菊藥堪餐憑欄坐南華一卷朗詠到黃

昏 風如疾

昏 風如疾

昏 風如疾

千秋歲

昏 風如疾

原序

自濂洛關閩之失其傳也著書立說者徒知尋章摘句而身心性命之學莫或能言余以爲與其口能言之身不能行之無甯不言者猶率其真也大司空潛庵湯先生文行久爲學者所宗迹其生平始而仕仕而已已而復仕入居匡贊不亢不隨者幾何年出任保釐興利除弊者幾何年其間閉戶藏修大闡鶩湖鹿洞之教者又幾何年余景仰先生之爲人其品高其望重言規行矩津津乎與聖賢爲徒然恨未得從先生游猶未知先生深也乙

湯子遺書卷十

附錄

三

亥春令子濬以先生遺集五卷見示余受而讀之元元本本理深而詞達氣靜而神恬凡道德之源流經史之根據上可以利吾民下可以利吾國國家下可以福蒼生者莫不丁甯反覆洋溢乎簡端間或寄情吟咏託意歌詞亦惟抒寫天真得詩人溫厚和平之致以余思之夫旣本諸身心性命而見之著書立說則見之著書立說而自益有味乎身心性命也明矣又豈徒能言之而已哉余乃今而後知先生深矣或曰至人無言苟能行之焉用文爲夫古今之理道祕而不宣自有言而羽翼

六經儀型百世作者謂之聖述者謂之明言固不可以盡廢也今先生雖歿後之人誦其詩讀其書不啻親承警咳奉爲楷模藉非言又何以啓之哉余知湖濂洛關閩之傳者應爲先生屈一指矣康熙乙亥四月朔燕越胡介社

余避人睢州值潛庵先生以關西參政請十旬假就之論知本之學與關東賀靈臺先生知本說合因留睢半月且屬余記其太夫人殉節事去旣而舉

制科與先生作同年生且同入史館遂得辯前代湯子遺書卷十

附錄

三

得失并古今來禮教名法知先生裕經術外擴而中堅體用具備真所謂應元運而興者會

天子重其學進青宮保傅兼領參知入東閣作宰相判官遂以春官侍郎出開府江南使敷歷中外爲

聖朝儒術之冠余乞疾南還過其境見關門坦坦然農安畝而估習市武吏與暴客刷跡而徙閭樓夜鳴瑟游媚貴富皆嚮晦闔外巷余顧之歎曰儒術之效如此耶乃未幾還院補冬官尙書而驟遭棟折先生且騎鯨矣其在今距先生捐館舍將二

十年而

京朝先後思之者如昨日江南之民一若服稅服雖相隔多歲月而偶然斂衽必哭泣因有慕其人稽其事願讀其所遺書者聞河撫閻君曾爲梓其集而未備也王子似齋者先生門下士也家世習理學蚤歲見知而授受親切其視扶風之於北海不啻有過然且筮仕吳城正值先生所屬地遂輯舊集所遺軼購其全捐俸而付之剞人而以余爲先生友并具書問屬其同門沈子昭嗣踵余寓而請余以序夫世之所謂三立者謂夫德與功與言

湯子遺書卷十

附錄

三

也而實則一立而無所不立古未有聖賢而闕事功者况文章乎卽宣尼抱聖德每傷世之不我用而退而著書然而書旣成而聖德愈顯且有讀其書而謂功在萬世雖堯舜莫能過則是文章之無閒於德與功也先生踐履篤實務爲善去惡以求慎獨而出而應世則入參宰執出領方州明明有實效見諸成事此其功德爲何如者而卽以文論與子言孝與臣言忠不必飾講席之迹而發言中道不偏亦不矯其爲羣儒所取正者何限然且言議慷慨周旋政事堂多所建白而至於外臺入告

則請賑請蠲尤劇剴切嘗曰吾受  
天子命以出爲民吏目擊痍瘝卽過爲激鐔甯得  
罪死官下亦何敢緘嘿負

天子命而

天子神聖亦卽以是優容之然則先生之言其有  
繫於世如此若其高文典冊揚

廟堂之盛則綸扉判詞槐廳起草舉凡應

制應試之作往往而是夫旣已舉於春官橐筆三  
館而復登

制科膺鴻儒博學之選則文可知矣似齋輯其書

湯子遺書卷十

附錄

三

復爲編類曰語錄曰奏疏曰序日記曰書牘曰賦  
頌論辨曰碑版文曰雜文曰告諭曰詩詞而總附  
年譜誌狀於其末嗟乎世之求先生書者可以觀  
焉康熙四十二年癸未嘉平月蕭山毛奇齡

文不貴乎能言而貴乎不能不言六經爲亓古大  
文然皆發於聖人之心所不容已譬猶雲旣滃而  
靈雨不得不降氣旣至而蟄雷不得不鳴雨降而  
生物潤雷出而地材奮則夫大儒立言以垂教來  
世亦豈得已哉如湯子遺書是已湯子爲誰睢陽  
潛庵先生也先生位至工部尙書卒於官乃天下

之學者以先生傳正學紹絕業力肩斯道之重爲  
一代大儒羣宗而師之故稱子始先生從容城孫  
鍾元徵君講學於夏峰以聖賢相期許其學以慎  
獨爲宗以體認天理爲要而實踐於人倫日用之  
間自少至老服官中外時時以忠主庇民澤及萬  
物爲心而其撫吳二年深仁厚澤距今垂二紀士  
民謳思之如昨日非至誠感人能至此乎予與先  
生生同鄉宦同朝嘗申之以世講重之以婚姻予  
心欽其名德嚴事之若師友今又幸繼先生後塵  
奉

湯子遺書卷十 附錄

三

命撫吳且十三載無日不遵前事爲後事之師亦  
步亦趨矐乎恐後守而弗失幸免於戾先生純德  
豐功炳麟史冊至於文章爾雅訓詞深厚講學有  
規化民有教讀法於鄉箴儆於官皆發於中心之  
所不容已今遺書具在也其門下士王大令廷燦  
表章師說出奉金匱諸槩可謂知所務矣旣訖工  
請予序予嘗讀先生書純粹以精卽片言寸簡無  
非卓然載道之文誠若張子所云爲天地立心爲  
生民立命爲往聖繼絕學爲萬世開太平庶幾近  
之烏虜如先生者豈非仁以爲己任者哉是其爲

文固實有諸其中而非道不足而強言者所可幾也遂序之以行世西坡宋榮

道學至宋氏而上接孔孟之傳何傳爾其世異其理同也然而朱陸異同其說已紛如矣時至今日因攻詆陽明并及象山夫象山之教其徒不無流弊而朱子因其說之不相合益深思致力務求得其至是以立教萬世而小學近思錄太極通書西銘之解義益出則象山亦朱子之功臣也余少時曾聞吾師改亭計氏之說如此近乃得親見之於潛庵湯先生先生之言曰學者讀書不務身體力

湯子遺書卷十 附錄

言

行專爲先儒辨同異亦玩物喪志先儒之言都是自己用工夫體認過來無一句不是實語總之源頭澄澈隨時立教不妨互異此固先生平日之言也故能反身而求隨處可以見諸施行今觀先生之在史局則嚴是非在講席則躬啟沃巡撫江南則民生曰裕輔導東宮則睿德曰新勤勤懇懇無一事不從身體而力行之故其遺書不徒爲異同攻擊直探濂洛關閩之奧於以垂世立教爲千古孔孟之心傳也至先生所蘊不獲盡見於世之故則又天也是非余之所得而言焉者矣往時豫省

閩中丞曾爲梓其集而未備今吳邑似齋王君搜羅遺軼捐俸刻之吳門似齋固先生辛酉所得士也余因識數語於簡端吳江徐鉉

潛庵先生清修粹德儀刑屹然來撫三吳風移俗易比隆淳古遺愛深長耕夫牧豎猶能頌說不衰於是學士大夫皆知先生之爲眞儒可以明體達用謂其生居伊洛效法程朱儼在姚文獻許文正伯仲間也雖然先生之表見於世者如此而欲識其學所從入與所得力處非讀其書究其指要之所存則猶涉於循牆捫壁之見而先生之精神而

湯子遺書卷十

附錄

三

目吐露幾何哉定求闇弱無能蚤志於學幸侍先生几席稍聞警咳此先生沒受其文集迴環讀之數年於茲乃信先生之學純明篤實非襲前人之皮膜樹一己之籬籬者可與同日而語所以表裏洞徹足爲後生法程也夫學之必宗程朱固家喻而戶曉也而先生之宗程朱則能力踐乎程朱之行而會通乎程朱之言程朱之言居敬也窮理也未嘗不知行一貫博約同歸動靜互攝也相沿相習於帖括訓詁之徒支分節解脈絡壅闕浸失程朱之本意至於姚江喟然爲拔本塞源之論揭致

良知以爲宗孜孜教人埽蕩人欲擴充天理則本體工夫包羅統括直截簡易始知程朱所謂居敬窮理者初非區爲之塗繁爲之迹正使程朱復生當必引爲同心之助而議者好爲排擊坐以新學異門卒之意見沈痼功利潛滋則亦自託於程朱而實自絕之者矣先生邃資夙稟甫入承明日與同志切劘正學淡於仕進壯歲抽簪復從孫徵君先生於百泉之上青燈白雪講習疊疊灼見性天無少間隔一以躬行心得爲歸絕不拘牽文義競起戈矛每日姚江之學反本歸原正以救末流之

湯子遺書卷十

附錄

栗

弊而特嚴其門人虛見承襲流爲沈洋恣肆致疑於以儒入禪者此其善學姚江正所以爲善學程朱也與程子曰百官萬務金革百萬之眾飲水曲肱樂在其中是卽周子無欲故靜之說也先生體認真切灑然有吟風弄月以歸吾與點也之意故其視蘭臺石室也細旃廣廈也縣牙樹戟而兵刑錢穀之紛紜也皆鳶之飛魚之躍也極諸毀譽利害當前不動生我順而沒我甯一逝川之不舍浮雲之太虛也嗚呼非深於聖學者能之哉今其文集具在特節其要而錄之非敢僭爲取舍亦曰先

生之言實先生之行也若第以語言文字觀之雖多亦何取焉用是振綱挈領奉爲箴銘之在側庶乎從入之塗得力之地瞭然心目由是知先聖先賢異世同堂又何事羣言之聚訟也與長洲彭定求

先大人著述崇明令王似齋刻於吳門爲湯子遺書分類編輯頗爲詳審但家藏所未刊刻者中猶略焉弗備杭幼承庭訓長隨宦遊於先大人嘉言懿行耿耿在心目間迄今猶追憶之而不忘自先大人之薨屈指已五十年雍正十一年癸丑蒙

湯子遺書卷十

附錄

三

皇恩立賢良祠祀於京城祭於本籍

賜春秋特祀

命詞臣作傳乾隆元年丙辰又蒙

皇恩欽諡文正

頒碑文祭文

賜碑價奕世曠典誠數百年所未有於今賢士大夫以及搢紳先生過吾睢者必索於先大人遺書今將遺書并家中所藏合爲一集已刻者存未刻者補仍似齋之舊名爲遺書首列

宸章重

君命也次載遺文示不忘也沈恐世遠言湮先  
大八嘉言懿行猶有略而未備者故詳誌之如左  
乾隆二年丁巳八月望日男沆謹識

湯文正公爲一代理學名臣至今學者宗之而朝  
論歷數

本朝前哲每以湯陸並稱陸謂稼書先生也竊謂  
兩先生品行略同而所見微有別陸一意謹守程  
朱而湯則不擯陸王觀集中答稼書一書可見一  
則衛道嚴一則見道大識者必有以權之矣雍正  
乙卯之秋升恆方承乏河南學政直

湯子遺書卷十

附錄

三

新天子卽位求言臣升恆摺奏三事皆蒙

俞允內諭湯公宜補諡一節

天子覽之感動更推廣大臣數人皆一體補諡而

文正二字特出

宸衷蓋自

國朝以來無獲此嘉名者噫亦盛矣今遺書具在  
學者景仰之餘不徒誦其文當師其品師其學庶  
不負文正公不負

聖天子鄭重表章之意也夫時乾隆六年歲在辛

酉秋九月錫山鄒升恆

同治庚午春二月祥年奉檄調任睢州下車之始

湯生若珩來見詢知生爲

文正公後裔因述家藏

公所著明史稿語錄奏疏並古今各體詩文又詩餘一卷久已刊布海內板存祠堂咸豐己未捻逆陷睢城燬於火賊平後

各大憲捐貲重刊功虧一簣尙未藏事祥年聞而

皇然竊以

公理學經猷文章功業雖片紙單辭後人咸知實

貴矧爲全集苟能日置座右精心體會於立身行

湯子遺書跋

政之方必多裨益一簣之功勉能任之卽囑湯生

亟爲刊成而謹識數言於尾抑更有言者祥年吳

人也

公於康熙初來撫我吳先六世祖隱居雞籠山

公徒步往訪謝不見請之再隔籬談數語而別時

人兩賢之其他興文教燬淫祠功澤不可殫述民

不能忘之坊屹峙胥江觀者咸深景慕距今二百

餘年以吳人而牧

公鄉土縱不能媲美萬一而讀

公遺集奉爲官箴並思先世之感承知己而冀有

以仰酬之或以不負於  
公者卽不負於民則亦  
公之所賜也敢不勉歟敢不勉歟

同治九年歲次庚午春二月

候補直隸州知睢州事古吳沈祥年謹跋

湯子遺書跋



同治九年歲次庚午春二月

公之遺書也敢不勉歟敢不勉歟

公之遺書也敢不勉歟敢不勉歟

公之遺書也敢不勉歟敢不勉歟

